

Broj: 2894/21

Datum: 15.03.2021. godine

Na osnovu člana 64. stav 1. tačka b), člana 70. stavovi 1., 3. i 6., člana 72. stav 3. tačka c) Zakona o javnim nabavkama (Sl. Glasnik BiH broj: 39/14) i člana 27. Statuta Javne ustanove Opća bolnica „Prim. dr. Abdulah Nakaš“, u postupku javne nabavke – **PVC i ALU posude za potrebe pacijenata sa sumnjom i pozitivnih na COVID -19**, v.d. direktora Javne ustanove Opća bolnica „Prim.dr.Abdulah Nakaš“, donio je

### **ODLUKU o dodjeli ugovora trećerangiranom ponuđaču**

#### **Član 1.**

Ugovor za javnu nabavku - **PVC i ALU posude za potrebe pacijenata sa sumnjom i pozitivnih na COVID -19**, dodjeljuje se ponuđaču DEFTER d.o.o. Sarajevo, ponuda broj 25/2021 od 18.01.2021. godine, sa konačnom cijenom ponude nakon provedene E-aukcije u iznosu od 11.809,00 KM bez uračunatog PDV-a, odnosno 13.816,53 KM sa uračunatim PDV-om, kao trećerangiranom ponuđaču.

#### **Član 2.**

Ponuđač je obavezan dostaviti originale ili ovjerene kopije dokumentacije iz člana 45. i 47. Zakona o javnim nabavkama, odmah po prijemu Odluke, a najkasnije u roku od 2 (dva) dana na Protokol Bolnice.

#### **Član 3.**

Prijedlog ugovora o nabavci roba dostavlja se na potpis ponuđaču u skladu sa članom 98. stav 2. Zakona o javnim nabavkama, uz Odluku o dodjeli ugovora trećerangiranom ponuđaču.

#### **Član 4.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14).

#### **Član 5.**

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14).

#### **Obrazloženje**

Ugovorni organ je proveo postupak nabavke PVC i ALU posuda za potrebe pacijenata sa sumnjom i pozitivnih na COVID -19 putem konkurentskog zahtjeva i donio Odluku o izboru najpovoljnijeg ponuđača, broj: 597-5/21 od 27.01.2021. godine.

Prvorangiranom ponuđaču VOĆE-PROMET d.o.o. EXPORT-IMPORT Jablanica, dostavljen je ugovor o nabavci roba, a koji je u pisanoj formi dana 25.02.2021. godine odbio dodjelu ugovora iz razloga porasta cijena od strane njegovih dobavljača.

Drugorangiranom ponuđaču INTER-COM d.o.o. Zenica, dostavljen je ugovor o nabavci roba, a koji je u pisanoj formi dana 15.03.2021. godine odbio dodjelu ugovora iz razloga što ponuđač nema adekvatnu podršku svog dobavljača i što su se izmijenile i nabavne cijene po kojima bi ponuđačev dobavljač mogao garantirati pravovremenu isporuku.

U skladu sa članom 72. stav 3. tačka c) Zakona o javnim nabavkama (Sl. Glasnik BiH broj: 39/14), Ugovorni organ dostavlja prijedlog ugovora onom ponuđaču čija je ponuda po rang – listi (Izvršetak o toku i završetku E-aukcije), odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora.

Iz navedenih razloga, a primjenom člana 72. stav 3. tačka c) Zakona o javnim nabavkama (Sl. Glasnik BiH broj: 39/14) i člana 27. Statuta Javne ustanove Opća bolnica „Prim.dr. Abdulah Nakaš“, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.**  
Žalba se podnosi u najmanje 3 (tri) primjerka.

Pripremila:

Amim Petrović, BA općeg prava, šef Odsjeka za javne nabavke

Kontrolisala:

Amela Smajić – Džaferagić, BA općeg prava, šef Odjeljenja za zajedničke poslove

#### **Dostaviti:**

- Ponuđaču: **DEFTER d.o.o. Sarajevo**
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke
- A/a



**CV.D. DIREKTORA**

**Prof. dr. Ismet Gavrankapetanović**